


111





Nr  
1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18



Nr. Praefides.

1. Wildvogel De statibus provincialibus.
2. de la Casas Ultrum reges aliquo jure cives et subditos a regia corona alienare possint.
3. Kampobek - magnis imperiis.
4. Stender - nomine Henrici regibus Gallie in fausto.
5. Bocckelmann - rescindendis et non servandis contractibus
6. Stryck - reparatione damnorum.
7. Hildebrand - resignatione homagii imperata.
8. Simon - Doctoribus bullatis.
9. Simon - jure Statutorum.
10. Bodinua - eo qu. fit in continenti
11. Lyncker - superiorit. territoriali.
12. Stryck - eo qu. iust. circa identitatem.
13. Stryck - iure Analphabetar.
14. Barth D. juris Basilea & Lips. habita.
15. Hahn De rationibus.
16. Weselow - errore calculi.
17. Werner - rationibus.
18. Eberwein - collega imperiali.

Dissert. Barthii sunt.

1. de extraord. Imperatoris Iudicio
2. de benef. abstin. hered. pat. ad effectum re-  
sistenti dotem acceptam.
3. 

---

 ad effectum exigendi dotem pro-  
missam.
4. de pacto executivo.



94 A 7399



V. XLII.

7

<sup>f. f.</sup>  
DOCTORES. BUL-  
LATOS

MAGNIFICO. SUPERIORUM. PERMISSU  
PRÆSIDE  
DN. JOH. GEORGIO. SIMONE. D

EXHIBET  
ECBERT. FELIX. Meyerhoff  
STERNBERGA. WESTPHALUS

AUTOR  
JENÆ. DIE. III. DECEMBR. A. O. S. M. DC. LXX.

---

TTPIS. NISIANIS



1111

DOCTORES BUL

MAGNICO SUPERIORUM PERMISSU

PRÆSIDE

D. JOH. GEORGE SIMON

LIBET

BOBERT T. FELIX STEPHAN


EXRNBURG A. VESTRPA LUS

VIOT

TEA. DIR. IN D. S. M. D. LXXI

1771





L. S.



Uanta olim omnium Facultatum  
Doctoribus, quamque veneranda consti-  
terit Autoritas, vel ex eo saltem, B. Lector,  
conjecturare, valebis, quod referente *Gol-  
dasto, part. 2. Const. Imperial.* ab Ordinibus  
Germaniæ & Cæsare Sigismundo in Con-  
cilio Constantiensi propositum fuerit: Decernerent Pa-  
tres, ut quarta pars omnium Feudorum Ecclesiasticorum,  
puta Majorum, quæ decem Marcarum Argenti taxatio-  
nem superarent, pro viris eruditis deponerentur; ita qui-  
dem, ut in quolibet Templo Cathedrali *Der vierdte Theil  
aller Thumstifften und Pfründen auffgehebet werde für die  
Doctores und Licentiaten der Heiligen Schrift / desglei-  
chen Geist- und Wellichen Rechts / &c.* Verum ab hoc  
laudabili consilio, communique Magnatum voto sequen-  
tibus temporibus multum discessit vaniloqua ignorantia  
temeritas, quæ dignos atque indignos Ablativum Docto-  
ris adsciscere posse vociferabatur, adeò quidem, ut non in-  
congruè (ex mente eorum) exoptanda rursus censeretur  
Reformatio, quæ circumfertur vulgò, Friderici III. Mo-  
guntia in Comitibus proposita, *Art. 5. Alle Doctores der Rech-  
ten / sie seyn Geist- oder Wellich / im Heil. Römischen Reich  
Teutscher Nation, sollen / nach laut der fürgenommenen Re-  
formation, an keinem Gerichte (bey keinen Rechten / auch in  
keines Fürsten oder andern Råthen mehr gelitten / sondern*

A 2

gank

ganz abgethan werden/ *Dn. Conring. de Orig. Jur. Germ. c. 32.*  
Verum enim verò, utut inficias ire nequeamus, quod pas-  
sim hodiè reperiantur Doctores, qui docendi sunt, & è  
contrario Scholastici sive Candidati, qui docere possunt,  
*Job. Gars. de expens. & meliorat. c. 4. n. 6.* Quemadmodum  
etiam de Doctoribus Italicis & Gallicis in quam plurimis  
Academiis attestatar *Thom. Lans. in orat. contra Ital.* ita qui-  
dem, ut passim prædicti Doctores audiant Doctores neces-  
sitaris atq; Doctorelli; attamen exinde honorabili Docto-  
rum titulo nihil decedere, quatenus videlicet in se specta-  
tur, tam manifestum est, quam, quod manifestissimum.  
Possemus igitur prædictos ineruditos promotos haut ine-  
leganter comparare cum defectibus Naturæ, quæ, licet  
semper intendat perfectius, tamen in quibusdam individu-  
is aliquando aberrasse non rarò deprehenditur. Et quo-  
niam illud ipsum eruditionis desiderium frequentissimè  
Doctoribus Bullatis assignari solet, quippe qui sapius non  
intercedente sufficiente probatione, aliisque ad hunc a-  
ctum desideratis necessitatibus neglectis, tales existunt,  
hinc non abs re me fecisse patebit, si paulò altius in eorun-  
dem Definitionem tam nominalem quam realem, item  
Causam efficientem, Materiam, Formam, Finem & effe-  
ctum inquisivero: quare, ut hoc feliciter eveniat, implora-  
to Divini Numinis auxilio, Tibi quoque B. Lector, hoc  
quale quale Conamen amicè officioseque sedu-  
lus commendo.

CAPUT



55

CAPUT PRIMUM.  
DEFINITIONEM DO-  
CTORUM BULLATORUM NO-  
MINALEM ET REALEM PRO-  
PONENS.

**D**icuntur Doctores Bullati à Bullâ sive Sigillo, *capit. Presentium. 2. de testib. in 6.* quod testimoniis eorum à Comitibus Palatinis ordinario subjici solet, unde bullare idem quod sigillare: eratque hoc solenne Cæsaribus in actibus majoris momenti, ubi signum Cæsaris, ceræ impressum & capsulæ cuidam ex auro aut plumbo incusum literis appendebatur, non aliter sanè, quàm olim bullæ pueris prætextatis, *vid. Marquard. Freber. in not. ad Petr. de Andl. lib. 2. cap. 5. verb. Bulla, sed sigillo. p. m. 170. cum Arnold. Hist. Sclavor. lib. 7. c. 14. & Petr. de Vineis. Epist. 21. lib. 1. add. Macrob. Saturnal. lib. 1. cap. 6.* Alii quidem vocabulum *Bulle* barbarum & minus Latinum clamitant; Alii à Græco βυλλή, Autore *Festo*, derivant; verum utramque opinionem rejicit *Reynem. de Fur. Rer. Disp. 47. parerg. 2. num. 4. & seqq.* illudque merè Latinum ostendit: cum *Bulla* fit tumor rotundus, in aquæ motu momento temporis enascens, & evanescens: unde per Metaphoram ad sigilla, in capsulis ad Bullæ similitudinem comprehensa, congruè referri potest; quemadmodum & capita clavorum fastigiata, ad superbarum ædium fores & valvas exornandas parata, bullas dixit *Plaut. in Asin. act. 2. scen. 4.* & Bullas aureas è valvis ablatas, *Cic. orat. 9. in Verr.* Describuntur autem, quod sint *Persona, quæ à Comitibus Palatinis, à summa Majestate Cæsareâ, cujus vicem supplent, ad hunc actum singula-*

A 3.

riter

*riter privilegiatis, Doctoris insignia, prævio examine, & Diplomatis sive Bullæ interventu, sunt consecuti.*

CAPUT II.  
DOCTORUM BULLATORUM CAUSAM EFFICIENTEM ET MATERIAM SIVE OBJECTUM EXAMINANS.

*Causa Efficiens* Doctorum Bullatorum est Comes Palatinus, cui ex plenitudine potestatis, quam auctoritati Cæsareæ Majestatis acceptam fert, hoc jus creandi competit, *Ferrar. Montan. lib. 5. Feud. c. 7. Matth. Stephan. de jurisdiction. lib. 2. part. 1. cap. 1. memb. 2. num. 67. & seq.* Secernimus autem in fronte statim eosdem ab aliis, quibus Facultates in Academiis Titulum huncce, præcedentibus examinibus consuetis, attribuunt: quorum qualitates probantur per literas testimoniales Academiae, vel Facultatis, cui quis operam navavit, vel in quâ gradum consecutus est, *Salicet. ad Auth. Habit. C. ne Fil. pro Patr. num. 3.* Demonstratur etiam per matriculam, aliisque Documentis deficientibus, per juramentum Scholaris, vel Doctoris asserentis se talem esse, *Bartol. lib. 3. C. de agent. in Reb. lib. 12. Rebuff. tractat. de privil. Scholar. privil. 147.* quod probè notandum, secundum *Coler. de process. Executiv. part. 2. c. 3. num. 136. p. m. 389.* contra eos, qui veniunt ex peregrinis nationibus, allegando, se ibi consecutos licentiam, pro effugendis judiciis Doctorum in examinibus privatis. Illorum enim assertioni non adhibetur fides, nisi allegatam qualitatem probent supra dictis modis, aut saltim per suum juramen-

ramentum. Separamus porrò Bullatos nostros à Cæteris, quibus ipse summus princeps immediate hancce dignitatem confert, *Ferrar. Montan. lib. 5. de Feud. c. 7. Sixtin. de Regal. cap. 2. num. 27.* vel unico etiam verbo; sicut & Licentiatos & Magistros hoc pacto pronunciare potis est, *Reinbard. Rönig/ Theatr. polit. part. 1. cap. 1. num. 345.* modo tamen sint habiles & eruditi: non etenim ferendum, adopinor pronunciatum *Pacian. de Probation. lib. 2. cap. 41. num. 13.* de inhabilitate creati per Principem disputandum non esse; quum semper intelligatur, cum eo super omni maculâ dispensatum. Injurius siquidem futurus esset Princeps in Doctorum Ordinem, si talem creaverit, qui nullo suo merito dignitatem istam affectat, *Dn. Ziegler. Dissert. de Jur. Majest. erigend. Acad. Sc. tb. 21.* præsertim quoniam Doctrinæ non simplex est dignitas, sicut Nobilitatis; sed in eruditione fundatur, *Bachov. in Treutl. volum. 1. Disp. 1. tb. 7. lit. A.* & Doctor per Scientiam ipso jure efficiatur Nobilis, *arg. l. providendum. 7. C. de postul.* Unde non malè quidam dispensationem Principis circa inhabilitatem subjecti tunc demum admittunt, quando tale concurrat impedimentum, quod potest à Principe tolli, & constat, eum scire impedimentum, *Ant. Perez. ad Tit. C. si serv. aut Libert. ad Decur. aspir. num. 6.* Elegans hujus rei exemplum nobis suppeditat Sigismundus Imperator, à quo cum Georgius quidam Fiscellus, Legum Doctor, Equestris militiæ insignia suscepisset, in Synodo Basiliensi, consultante de rebus arduis Sigismundo, dubitante illo, utrum Doctoribus, congregatis in uno loco, aut Equitibus in alio se adjungeret, cum tandem ad hos inclinare videretur, stultè agis, inquit Imperator, qui Literis Militiam præfers. Nam ego milites unâ die mille fecerim, Doctorem  
Mille

Mille annis unum (intellige inhabilem, ineruditum, nec propter suam juris scientiam approbatum) non fecerim. *Marquard. Freber. ad Petr. de Andl. lib. 2. c. 13. verb. utrum Doctor militi. p. m. 198. Materiam sive Objectum Doctorum Bullatorum idem statuimus, quod Doctorum in genere: sive jam fuerint illi à Principe immediatè, sive à Promotoribus, legitimè constitutis in Academiis, creati & renunciati: nimirum Homines idoneos & aptos, honestæ vitæ, & morum benè compositorum, immaculatæ famæ, atque legitimè natos. Hinc Jasonem legimus à Collegio Mediolanensium repulsam sustulisse, quod legitimè natus non esset: quale statutum quoque Bononiæ, Basileæ, Salisburgi & in aliis Germaniæ Academiis viget, ubi insignia Doctoris iis ante non conferuntur, quam de legitimâ nativitate eorundem constet, Herm. Hermes Fascic. Jur. Publ. c. 33. num. 166. p. m. 669. Unde & juramentum credulitatis, quod scilicet Doctorandi se legitimè natos esse putaverint, nec etiam natalium quæstionem unquam subierint, aliquando adhibitum fuisse patet; (quamvis & spurios, intellige Johannem Andreæ & Bartolum à Saxo Ferrato, suis immortalis hucusque inter eruditos manserit honor) His addunt nonnulli absolutionem quinquennii in studio juris à Justiniano præscripti, item ætatem viginti quinque annorum: verum, quoniam non quàm diu, sed quàm benè in Academiis vixisse juvat; præterea quoque ingeniis præcocibus iidem certi limites cum tardioribus ponendi non veniant, idcirco hæc, tanquam superflua, lubenter mittimus, & concludimus potius cum *Felin. Sand. ad C. cum vigesimum. 41. x. de off. & potest. Jud. deleg. num. 11. p. m. 1233. & Henric. Cardinal. Hostiens. in Prolog. ad Decretal. Quod in Doctore omnis ætas sufficiat, datâ sufficientiâ.**

CAP.

CAP. III.  
DOCTORUM BULLATO-  
RUM CAUSAM FORMA-  
LEM EXHIBENS.

**F**orma, per quam Subjectum habile redditur ad edendam operationem, est ipsa actualis applicatio insignium Doctoratus, à Comite Palatino, ob præviam sufficientem examinationem & aptitudinem, vigore potestatis, quâ pollet, Cæsareæ, facta. Hinc apertissimè videmus, quod rigoroso prius examini subijci debeat Candidatus à Comite Palatino, ipsiusque scientia & eruditio, quæ de Doctoris essentiâ est, explorari, adeoq; ipse, Optimorum Ordinis consensu & decreto adspirante, approbari, *arg. l. Magistros. C. de Prof. & Med. Helfric. Ulric. Hunn. ad Trentl. vol. 1. Disp. 1. tb. 7. lit. A. quest. 40. p. m. 93.* Taceat itaque *Everbard. Speckban. Quest. Jur. Cæsar. Pontif. & Saxon. Cent. 1. quest. 22. p. m. 65. & seqq.* Doctores, qui ex Rescripto & Bullâ gradum acceperunt, privilegiis & insignibus Doctorum solenniter promotorum gaudere non debere, asserens. Fundamenta ejusdem, in Formam Syllogisticam redacta, sequentem in modum sese habent: (I) si verum est, quod privilegia & insignia, quæ passim in Jure nostro Doctoribus attribuantur, de Doctoribus legitimè promotis accipienda sunt, sequitur, quod non attribui vel competere debeant Doctoribus ex Rescripto Principis, sive Bullatis. Sed verum est prius, per ea, quæ allegant *Matth. Coler. de Process. Exec. p. 2. c. 3. n. 129. in pr. v. 135. p. m. 389. & Guid. Pap. Dec. 88. & 898. n. 11. arg. l. si ita quis. 53. §. fin. de legat. 2. Jul. Pac. in Orat. quâd. Heidelberg. habit. quem citat Renneman. de Jur. Rer. Disp.*

47. tb. 1. Parerg. 2. num. 6. lit. B. p. m. 526. Ergò & posterius. Verumenimverò nos negamus minorem. Peræquè enim falsum est, quod hæc privilegia tantum pertinere debeant ad Doctores in Academiis legitimè promotos; atque probare velle thesin ex l. 53. cit. Committitur itaque petitio principii, & quod probari debet, loco majoris indubitatae propositionis ponitur. Imperator siquidem summus, ut supra cap. 2. monitum, perinde habilitat Comitem Palatinum, eique facultatem ad promovendum probè dignos concedit, atque hoc largitur Academiis celebrioribus, & legitimè à suis Nutritoribus fundatis; uti patescit ex diplomatibus specialiter ad hæc expeditiones concessis. Legem quod attinet allegatam, non est illa l. 53. sed l. 51. §. 1. in quâ longè alia materia pertractatur. Quæstio quippe ibidem est, an is, cui in tempus liberorum tertia pars relicta est, possit prædictam tertiam partem consequi, si liberos per adoptionem sibi quæsiverit? quod negativè deciditur: ab eo autem argumentari velle: Ergò quemadmodum is, à quo liberi ex proprio sanguine procreati desiderantur, petito non potest satisfacere per liberos adoptivos; ita quoque is, à quo titulus Doctoris requiritur, quæsito satisfacere non valet, si fuerit creatus à Comitibus Palatinis: neutiquam procedit, uti quilibet sanæ compositionis, & artis peritus colligere potis est. Ut jam nil dicam de Doctoribus ex Rescripto Principis immediatè creatis: quia, quamcunque facultatem Princeps summus inferioribus suis subditis & vasallis dependenter concedit, eadem ut ipsemet independenter præditus sit, necessum est: Atqui Collegiis Doctorum in Academiis approbatis perinde, ut Comitibus Palatinis, summus Princeps facultatem creandi Doctores dependenter concedit: Ergo ipsemet

ipfemet eadem independenter præditus fit neceffum est. Majorem negare nemo poterit, nec forfitan etiam ullus, qui jurium Majestatis, in quantum summo Principi compe-  
tunt, cognitionem exactiorem habet, unquam negabit. Minor patescit ex *cap. 2.* ubi fimiliter de causâ Efficiente Doctorum tam in genere, quam in specie sermo institutus fuit. Ergo cum ad conclusionem materialiter non fit re-  
fpondendum, veritas argumenti nostri indubitato suo confiftit talo.

Alterum *Speckbanii* argumentum fequenti modo concludit: Si Doctores, qui ex Rescripto, Diplomate vel Bullâ gradum adepti sunt, à collatione subsidiorum Delphi-  
nalianum immunes non sunt, fequitur, quod non gaudeant iisdem Privilegiis, quibus legitimè promoti, quippe qui sunt immunes: Sed verum prius, per ea, quæ tradit *Guid. Pap. loc. cit. n. 3.* E. His adde, quod secundum alios ejusmodi Doctores Bullati non admittantur, quando statutum re-  
quirit, ut non nisi Doctores vel Licentiati in Ordinem Ec-  
clesiasticum vel collegium cooptentur. Sed hoc Argu-  
mentum fatis elumbe esse, nemo non videt. Ab iis enim, quæ de facto fiunt, argumentari velle ad ea, quæ jure fieri debeant, non femper bonam exhibet confequentiam, *arg. l. 12. ff. de off. pref.* ubi itidem non tam fepectandum est, quid Romæ factum fit, quàm quod fieri deceat.

Tertium *Speckbanii* argumentum talem infert confe-  
quentiam: Doctoribus legitimè promotis in executione, faciendâ, & Repressaliis exercendis, libri, lectisternia, & reliqua ipforum Suppellex aufferri non potest: Doctori-  
bus Bullatis hæc cuncta aufferri poffunt. E. Doctores Bul-  
lati non sunt Doctores legitimè promoti, nec privilegiis Doctorum gaudent. Majorem probat, quod sine his com-

modè vivere, & aliis, quæ didicerunt, communicare nequeant Doctores, juxta *Coler. de Process. executiv. cap. 3. part. 2. num. 126. & seqq. p. m. 389.* Minorem itidem deducunt ex *Coler. loc. cit. num. 129. & Guid. Pap. loc. cit.* item ex *Alexand. in l. Centurio. 15. num. 10. 20. 21. ff. de vulg. & pupill. substi.* Sed nos similiter negamus minorem, cujus evidentiam quemlibet perspicere posse, arbitramur, ex resolutione argumenti primi.

Quartum *Speckbanii* argumentum fortius assertionem nostram stringere, primâ vice aliquis existimabit: ubicunque substantialia legitimè promovendi Doctoris requisita deficiunt, ibi quoque non potest censi Doctor legitimè promotus. Atqui in Doctoribus Bullatis hæc deficiunt. E. Minor inde deducitur, quod Substantialia Doctoris requisita in eo consistant, ut legitimè examinetur, &, optimorum ordinis consensu & decreto conspirante, approbetur. 2. Ut promotor & examinatores sub juramento suo deponant, eos sufficientes esse. 3. Ut Croceus sive Purpureus Pileus, sive Biretum, in signum splendoris, capiti eorum imponatur. 4. Ut eis Cathedra pro investiturâ possessionis tradatur. 5. Ut Liber, tanquam materia Doctorandorum, in quâ se exercent, ipsis aperiatur & rursus claudatur (quanquam & alia plura quidam desiderent, traditionem scil. annuli, osculum & benedictionem, quæ tamen, secundum *Baldum. in proœm. Decretal.* de essentiâ Doctoratus non sunt; cum & mulieres osculentur, desponsentur & benedicantur) sed & hæc Doctissimo *Jcto Speckbanio* denegamus: quandoquidem cuncta etiam jam recensita in *Comite Palatino*, in Doctorem aliquem creaturo, præsupponimus. Non etenim nudum creationis exercitium, sed multo magis prævium sufficiens examen, approbationem-  
que



que legitimam Doctorum ejusdem Facultatis adesse debe-  
re certum est. Hinc etiam inter omnes manifestum existit,  
quod, quoad habilitatem subjecti eligendam, perinde ad-  
stringantur Comites Palatini, ut alii in Academiis consti-  
tuti Promotores; nec dispensare possint super personam,  
quæ aliàs Dignitatum capiendarum censetur incapax:  
quapropter rectè rejectus fuit Judæus Vivus *Wallech* / a-  
liàs B. Josephus vocatus, à Facultatibus Juridicis Helmsta-  
diensi atque Jenensi, quem tamen Comes Palatinus Joa-  
chim. Alluramer Paduæ in Medicinæ Doctorem, interce-  
dente Bullâ, creaverat, *vid. Magnif. Dn. Bechman. tract. de*  
*privil. stud. cap. 8. n. 30.* Eandem decisionem quoque, ter-  
minis hisce præsuppositis, nobis suppeditat *Rennem. de jur.*  
*Rer. Diss. 47. tb. 1. parerg. 2. num. 8. in verb.* si cætera essent  
paria, hoc est, si Bullati non aliter ad hunc admitterentur  
gradum, quam si per prævia examina de moribus & de eru-  
ditione ipsorum pericula legitimè facta fuissent, statuen-  
dum hoc sanè, quod nihil causæ reverà superesset, quo mi-  
nus, quoad Dignitatis Autoritatem, pari cum promotis gra-  
du censi possent & deberent. Porro ab hoc dissentien-  
tium scopo non abludivit *Marquard. Freber. in not. ad Petr.*  
*de Andl. l. 2. c. 5. verb. Bullâ sed sigillo. p. m. 170.* qui non aliun-  
dè Doctores Bullatos dictos esse contendit, quam quod e-  
jusmodi literis suæ Doctrinæ sigillatis, absque legitimo ex-  
amine & promotione, nitantur, cum quo consentiunt *Rut-*  
*ger. Roland. in tr. de commiss. part. 1. lib. 1. c. 14. Ventur. de*  
*Valent. in Partben. Litig. lib. 1. c. 7. n. 32. Menoch. consil. 126.*  
*n. 18.* Ast ad hoc quoque argumentum, responsio sat facilis  
in promptu est: siquidem nos non verbis, sed re ipsa philo-  
sophamur, & per consequens, argumentum ab Etymologiâ  
& Definitione nominali desumptum, parum curamus.

Sextum Argumentum petere contradicentes assolent ex *Constit. Cam. Imperial. part. 1. tit. 3. §.* Desgleichen hoc pacto: Doctor legitimè promotus in Academiis potest fieri Assessor Camerae Imperialis: Doctor Bullatus non potest fieri Assessor Camerae Imperialis: E. Min. probant ex *S. alleg. ubi: Much zuvor und ehe sie zu Besitzern genommen / auff Universitäten / welche zum wenigsten von unsern Vorfahren / Römischen Kaysern und Königen der izzigen Kayserlichen Majestät / oder uns confirmiret, gelesen / oder zum wenigsten fünf Jahr lang im Rechten studiret &c. haben.* Jam verò nemo Doctorum debet in Academiis publicè docere, legere vel disputare, nisi qui legitimè à Jctorum Ordine est promotus; exinde excluditur Doctor Bullatus, atque per consequens Assessor fieri nequit. Attamen allegantur hæc duntaxat, non etiam probantur: unius quippe positio alterius exclusionem non importat, & longè alia mens est Imperatoris nostri, qui legalitatem potius Doctorum ex hisce enarratis terminis colligendam svadet, quam ut velit Doctoribus, à Comitibus Palatinis creatis, viam ad Dignitates denegare. Et positò, quod ita res se haberet, non parum hæc immineret summam Summi Imperatoris Majestatem & Potentiam; quasi per Comitem Palatinum hæc sua Majestatis jura (uti arbitrantur *Menoch. lib. 2. quest. 126. n. 18. Rutg. Ru-land. de commissar. lib. 1. c. 14. n. 8. Jung. Jac. Ben. de Priv. Jctor. p. 2. n. 6. Rennemann. de Jur. Rer. Disp. 47. pareg. 2. n. 9.*) non posset æquè, atque per privilegiatam Academiam, exercere: hinc iterum urgere possemus *arg. l. 12. ff. de offic. Præsid. add. Dominic. Arum. ad A. B. discurs. 1. tb. 5. cum Petr. Gregor. Tbolos. de Rep. lib. 18. c. 9. n. 8. & Regner. Sixtin. de Regal. c. 2.* Exemplum in Imperio nostro Roma-

no Germanico nobis producit *Limneus*, quando Imperator Rudolphus II. Barthol. Bezius, Tyrolensem Oratorem, & Legatum ad Portam Ottomannicam, antequam ejus operâ in arduo isto negotio uteretur, majoris dignitatis ac reputationis gratiâ, solenni Diplomate Doctorem Juris renunciavit, *vid. cum Stambl. de Reservat. Imper. Rom. Germ. §. 56. num. 7. Magnif. Du. Bechman. in tract. de privil. stud. cap. 8. num. 17. & in Tract. ad A. B. Carol. IV. Ex. 10. ad tit. 20. n. 59* Aliud extra Imperium nostrum legi potest apud *Olear. in Itiner. Pers. cap. 6.* de magno Duce Muscoviæ, qui Germanicæ Nationis Medicum, satis felicem, in Doctorem Medicinæ, mediante insigni Diplomate promovit.

Ultimò annectimus opinionem *Johannis Fabri, in §. Responsa. Inst. de Jur. Nat. Gent. & Civ.* quod si Doctoris creatio sit solius Imperatoris, sequitur, quod Doctor Doctorem creare non possit: Atqui verum prius: E. Sed miror, virum huncce, eruditionis fat conspicuæ, adeò obtuso prodire voluisse telo: Exinde etenim similiter argumentari possemus: quod nec in Academiis renunciati Doctores Doctoralibus gaudere privilegiis possint; quum & his insignia, honores, titulus & privilegia Doctoralia à Doctore sive promotore conferri soleant: Quoniam tamen Comes Palatinus æquè, ut Promotor Academicus, non privatâ, sed publicâ Cæsaris Autoritate rem totam peragit; hinc quoque, ubi eadem militat ratio, idem jus constituere necessum habemus: & denique universaliter omnia hæc dubia concludimus cum verbis supra laudati, Juris tam publici, quàm privati peritissimi *Arumæi*: Quia Bullati examinantur, quia solemnia in eorum renunciatione adhibentur, ideo eosdem in Collegium, vel Ordinem Ecclesiasticum, vel Civilem, ad Assessores Camerae Imperialis rectè  
recipi,

recipi, à collectis immunes esse, & nobiles reputari, quid? omnibus illis privilegiis, quibus in Academiis promoti fruuntur gaudere debere, *add. Speidel. in spec. Jurid. verb. Doctores.* Cæterum ingenuè confitemur, & Doctorandis tam singulari virtute, modestiâ & gravitate præditis; quàm præclarâ cum eruditione in Jurisprudentiæ scriptis studiosè volutatis sedulò cum *Remnem. loc. alleg. num. 10* svademus, ut, si quando iisdem mens fuerit, cum honoribus in utriusque Juris pelago, ex prudenti consilio, sibi velificari; Academico potius ordine, & statis temporibus, se publico, licet periculoso, flumini committere, atque in Facultatis suæ palæstrâ eruditionis & doctrinæ, cum disputando, tum docendo specimen edere, & hisce exercitiis sese ad gradus honorum captandos idoneos demonstrare; quam sub privato Bullarum Flamine, cum securitate (quâ multi sæpius mitrati asini, morum & facundæ eruditionis excellentiâ destituti, abutuntur, *Arum. l. c. p. m. 7.*) navigare malint.

#### C A P. IV.

### DOCTORUM BULLATORUM FINEM ET EFFECTUM ADUMBRANS.

**R**estat jam enucleanda quoque *Causa* Doctorum Bullatorum *finalis*, quæ maximâ ex parte in eo consistit, ut justum ab injusto licitè discernatur, quod melius expediri non potest, quam si ejuscemodi subjecta probatæ artis & fidei mundo proponantur, quæ contra rabulas aliosque fori perversores indubitata Themidos præcepta proponant atque tueantur, & alia insimul vulgi scommata, ac præprijis: *Juristen sind böse Christen* / (de quibus *Lans. in orat. contr.*

168  
*contr. Ital.*) à Legum Sacerdotibus pro virili arceant. In reliquis nostros Bullatos cum aliis, tam ab Academiis, quam à Principe, vel uno etiam verbo, creatis coincidere certum est: Quoniam verò de his varii eruditorum prostant tractatus, supervacaneum duximus, ut crambe bis apponatur, vel recoquatur: Possunt tamen interim de Doctoribus Bullatis evolvi ea, quæ nostram sententiam confirmant, apud *Molin. de Hispan. primogen. lib. 1. cap. 11. num. 22. Vincent. de Francib. decis. 62. n. 6. Georg. Mund. à Rodach. de Comit. Palatin. c. 1. n. 65. Peregrin. Cons. 84. n. 13. volum. 1. & Cons. 3. n. 23. vol. 2. Nolden. de statu Nobil. c. 2. §. 1. n. 13.* Non absimilia pronuncianda judicamus de *Effectu*, quem causa efficiens cum causâ finali communem habet. Licet etenim *Mund. tract. cit. c. 3. n. 233. cum Decio in l. cum quid. n. 11. ff. si cert. pet. Guid. Papa decis. 388. in fin. Peregrin. loc. cit. n. 7.* Doctores à Cæsare immediatè creatos, propter Augustiorem Majestatem, aliis à Comitibus & Academiis promotis præferendos esse existimet, si cum rigore Examinis à Principe fuerint Doctorati, quo & inclinant *Tapia in Rubr. ff. de Const. Princip. cap. 4. n. 119. Kirchof. consil. 14. n. 42.* urgentes potissimum exemplum in *c. 3. Disp. allegati Bezii Tirolensis* (Secretarii primum Pauli ab Eitzingen, Liberi Baronis & Oratoris Cæsarei) cujus mentionem quoque faciunt *Laurent. Obm. de jur. Episc. tb. 17. Waltber. de stat. Jur. & privil. Doct. cap. 5. §. 12. quest. 2.* Attamen hisce ne quicquam obstantibus, quoniam non minus in Academiis & à Comitibus Palatinis creati ex mandato Cæsareo tales existunt, & id, quod quis per alium facit, per se putandus erit fecisse; idcirco, nisi expressa Imperatoris, Doctorem à se promotum aliis omnibus præferentis, voluntas doceri queat, hosce omnes tam mediatè, quam immediatè creatos pari dignitatis

C


tatis gradu gaudere posse credimus. Sed quaeritur: an idem  
dicendum de creatis Doctoribus ab Advocatis Consistoria-  
libus Romæ, quibus Pontifex, attestante *Petr. Gregor. Tho-*  
*los. Syntag. Jur. Universi lib. 49. c. 6. n. 10.* inter alia multa  
privilegia quoque concessit, Laureâ Doctoreâ in utroque  
Jure Cæsareo & Pontificio, doctos juvenes ornandi? Sanè  
in iis Territoriis, quibus ipse Pontifex ut Princeps quoque  
secularis præest, hosce valere posse, nemo dubitat quemad-  
modum & inter pontificios Religionis Zelo agitados, ut ut  
Rom. Germ. Imperio subjectos, lubenter admittuntur: Ast  
in Imp. Rom. Germ. inter Augustanæ confessioni addictos,  
ubi Papæ nec in sacris, nec in profanis suprema jurisdictio  
conceditur, meritò negativa tuetur: tum maximè, quod  
non solùm prævium examen & approbatio alicujus erudi-  
tionis; sed insuper summa potestas honores & dignitates  
conferendi ad Doctoratum requirantur: interim eosdem,  
vulgò & de facto quasi, connivente videlicet Imperatore,  
tolerari & admitti inter nostrates quoq; totâ die videmus.  
Quid verò, si ipsemet Pontifex mediante Bullâ aliquem Do-  
ctorem, Licentiatum vel Magistrum creaverit, an & hi in  
Imperio nostro Romano - Germanico pro Doctoribus ha-  
bendi? quale exemplum in priori seculo contigisse, refert  
*Lans. de Acad. p. m. 93. lit. N. cum Middendorp. lib. 1. de Acad.*  
*c. 13.* ubi Pontifex Romanus Pius IV. procurante Ferdinando  
I. Cæsare, misso honorifico Diplomate, Archi-Episcopo Sa-  
lisburgensi potestatem dedit Fridericum Staphylum, quem  
Facultas Theologica Ingolstadii, ob id, quod uxorem habe-  
ret, recusarat, in præsentia aliquot Doctorum & Episcopo-  
rum, qui rigoroso Examine prævio, per jurata verba affir-  
marent, istum idoneum esse, tam juris Canonici, quam  
Theologiæ Doctorem creandi: Quod & Archi-Episcopus,  
con-

consuetis debitisque ceremoniis adhibitis, ac impositione  
rubri pilei à Pontifice missi, in ipsis Comitibus Augustanis sc-  
lenniter fecit. Nos, præter ea, quæ ad quæstionem præce-  
dentem adjecimus, ad hocce quæsitum resolvendum insi-  
stimus vestigiis *Magnif. Dn. Ziegler. Dissert. de Jur. Majest. e-  
rig. Acad. Sc. th. 8.* nolumusque Pontificis, cum Canoni-  
stis, supremam asserere potestatem, quam cum Imperatore  
ipsum habere, ex *Can. duo sunt. 10. Dist. 96.* proponit *Matth.  
Steph. de Jdict. lib. 3. c. 2. n. 14.* quo circa similiter negativè  
rem totam decidimus. Interim quoniam, ut mox antea di-  
ctum, Imperator in horum Doctorum Papalium promotio-  
ne tacendo connivet & eandem fieri permittit, quam tamen  
impedire poterat, hinc aliquo modo consensisse præsumi-  
tur, *arg. l. 63. §. scientibus. ff. de Rejud.* Sed hoc nos non fe-  
rit, quippe qui non loquimur, quid Imperator, proprio &  
spontaneo motu, alteri concedere velit; quin potius, quid  
Papa ex plenitudine absolutæ suæ, quam falsò prætendit, in  
Imperio nostro Romano-Germanico peragere possit. Mi-  
tius aliquo modo iudicium nobis residet de Academiis ve-  
teribus à solo Papa confirmatis, quibus, præter sæpius alle-  
gatam Imperatorum conniventiam, etiam accedit posses-  
sio quasi immemorialis, *Fulv. Pacian. de Probat. lib. 2. c. 41.  
n. 52.* ad quam *Dn. Ziegl. loc. cit.* centum annos in Civitate,  
studium publicum possidente, sufficere æstimat. Quan-  
quam enim tempus immemoriale, seu tempus memoriam  
hominum excedens, accuratè loquendo, differat à cente-  
nario, *Carpz. part. 2. Jurispr. forens. Const. 1. Def. 7.* tamen  
tempus centum annorum plerumque etiam, præsertim in  
favorabilibus, immemorialis temporis nomine venit; eò  
quod per illud longissimus vitæ humanæ tractus finiatur, &  
præsumatur utique Imperator, qui tam diu ibi studia publi-

cè tractare permisit, jus Academiae concedere voluisse, *add. Habn. ad Wesenb. tit. de Usucap. n. 7. Balb. de Prescript. part. 2. tert. pr. quest. 6. n. 24.* Reliqui Bullatorum Doctorum Effectus cum Doctoribus ab Academiis solenniter creatis coincidunt, nimirum (1.) quod propter Dignitatem omni carceris periculo vacent, licet propter inopiam aë alienum conflatum dissolvere nequeant, imò neque bonis cedant, *arg. l. Medicos. C. de Profess. & Med. add. Bartol. de Saxo Ferrato in l. 1. C. b. t.* Qui eos tantummodò duci ad iudicium vel curiam tradit. (2.) quod, testimonii vel iurisjurandi causa ad Magistratum, evocari non debeant (habentur quippe Personæ egregiæ) hinc Judex ad eos quempiam v.g. Actuarium mittere debet, qui Jusjurandum vel testimonium ab eis recipiat, *arg. l. ad personas. 15. ff. de jurejur.* (3.) quod licet criminis capitalis suspecti ex arbitrio iudicis potius domo cum certâ custodiâ militum custodiri, vel etiam remotâ custodiâ in certo loco arresto constringi; quam in carcere publico contineri debeant, *arg. l. de Custodia. 1. ff. de Custod. Reor.* (4.) quod quovis tempore & loco arma gestare possint, *Bartol. in l. Medicos. 6. C. de Profess. & Med.* (5.) quod iisdem unâ cum eorundem uxoribus jus sit vestimenta, ornamenta & aureas catenas, annulosque gerendi, *Recess. Imperii Francofurt. Anno 1577.* (6.) quod eosdem verberans, pulsans, vulnerans vel injuriâ afficiens teneatur lege Julia de vi publicâ *arg. l. 7. ff. ad l. Jul. de vi publ. ibique gloss. jung. Hartman. Hartman. 1. observ. 4.* Plura spontè mitto, cum ea hinc inde coacervata quilibet invenire potest apud Doctores, qui de Privilegiis Doctorum ac studiosorum & in specie ad *Autb. Habita C. ne Fil. pro Patr.* elaboratissimos mundo dereliquerunt Tractatus. Vale interim B. Lector, atque, si inchoaveris amare, perge!

Sic





**S**ic laudabiliter perge, Sponsore,  
Brabeutâ  
Me, Themidos capies summa  
brabía brevi.

*Per - Eximio Dn. Autori amicâ m. & m.  
gratul.*

**JOHANN-VOLK. Bechmann D.  
& Antecessor.**

---

**B**ULLATI quæ sint DOCTORIS, Doctè  
Themista,  
Jam Doctos Doctè JURA docere cupis.  
Tradit Bulla mitram Doctõribus : ecce Tiarã  
Mox tradet rubram Doctã Salana Tibi!

*Nobilissimo atque Clarissimo Dno Autori,  
J. U. Candidato dignissimo, gratulante  
salamo hæc scribebat*

**PRÆSES.**

**C 3**

*Eximio*

*Eximio atque Politissimo*  
DN. ECBERTO FELICI  
Meyerhoff / LL. C.

*Amico, Fautori & olim Commensali suo  
suavissimo.*

Eruditum Specimen

*De*

BULLATIS DOCTORIBUS

*edenti*

*S. P. D.*

JOH. CHRIST. Hundeshagen /  
Prof. Publ.

\* \* \*

**D**um de BULLATIS DOCTORIBUS ore diserto  
Tradere jam *Doctus* lemmata *docta* studes,  
Pergas, nam DOCTOR fies, quod spondeo sanctè.  
Præmia pro cœpto digna labore sient.

---

**S**i porrò tanto tractes conamine Jura,  
*Doctoris* tandem nomine dignus eris.

*Clarissimo, Per - Eximio atque Pra - Politissimo  
Dn. Autori, J. U. Cand. dignissimo, Fau-  
tori & Amico suo perquam dilecto ex sin-  
gulari affectus testimonio hæc paucula  
apponere voluit*

Ulricus Pfaler / Ddus.

Das

Als ist das kluge Doctor Ziel /  
Das man denselben pflegt im Sinne fest zu haben  
Und sich mit dessen Lust / so klüglich weiß zu laben z.  
Das ist das weise Lippen - Spiel /  
Das seines Meisters Zweck mit netter Art verdeckt /  
Und dessen muntern Sinn ins kluge Blat versteckt.  
Man siehets ja wol an der Kunst /  
Wo hin / geehrter Freund / die frischen Sinne gehen /  
Die eifrigst nur nach dem / was Lob verdienet / stehen.  
Des reichen Himmels seine Gunst  
Beglücke diesen Sinn und fördre das mit Krafft /  
Was solchen Sinn verstärckt und Raum zum Ziele schafft !  
Mit diesen geringen beehrete die getehrte Schrift seines  
grossen Freundes aus dienstfertigstem Gemüthe  
M. Johann Friedrich Nicolai / der  
Philosoph. Fac. Adjunctus.

---

THEMIS ET VENUS  
IN  
V I L L A.

Ort stritten die Themis und Venus zusammen  
Umb einen schönen Meierhoff.  
Die Themis die wolte die Venus verdammen  
Und beyden doch ein Glücke troff.  
Die Themis die wolte die Venus nicht haben /  
Der Venus dieses recht verdroß ;  
Die Themis die wolte mit Schreiben sich laben /  
Die Venus ihre Pfeile schoß.  
Es wolte die Themis der Venus nicht weichen /  
Sie wolten beyde diese Lust ;  
Den Meierhoff wolten Sie beyde erreichen /  
Weil dessen Schönheit war bewust.

Als

Als diese nun beyde so stritten in allen /  
Kam selbst Apollo mitten ein /  
Und sagte: Ihr könnet zusammen wol stallen /  
Der Hoff soll fünfftig Euer seyn /  
Ihr Schönen! du Themis verrichte das deine /  
Du Venus nim dich deines an!  
Du Themis sey hurtig / das Schreiben ich meine /  
Das sey zu Ehren dir gethan /  
Du Venus erwarte mit lieblichen Minen /  
Wann sich hie Themis niedersetzt /  
So kanstu am besten dieselbe bedienen /  
Und sie sich auch mit dir ergetzt.  
Drum gehet zusammen und freuet Euch beyde /  
Der Meyerhoff gebe Euch lustige Beyde.

*Hiermit hat seinen guten Gönner und lieben Bruder  
aufwarten wollen*

FRIDERICH SCRIBA.

**S**recht! Mein werther Freund / so läst sich wieder blicken  
Sein nie gesparter Floss? Es wird ihm seinen Lohn  
Die Themis geben bald: Sie wird ihn bald erquickten /  
Weil Cypris und Sie längst bereiten eine Cron.

*Mit diesem wolte dem Herrn Authori, aus treuschuldiger  
ster Freundschafts Pflicht glückwünschend / schuldi-  
gigt auffwarten*


JOHANN-JUSTUS ARCULARIUS  
aus der Graffschafft Ravensberg.


**D**um doctè Doctorem jam discutis, ist hoc  
Te non indignum censet honore Themis.

*Fausto hoc omine applaudit Nobilissimo Dno Respondenti,  
Amico suo ac Commensali singulariter dilecto*

Joh. Jac. Goezius.

FINIS.





94 A 7399

ULB Halle  
005 127 157

3




VD 17

Reho









7. XLII.

7

<sup>7. 7.</sup>  
**DOCTORES. BULL-**  
**LATOS**

MAGNIFICO. SUPERIORUM. PERMISSU  
PRÆSIDE  
DN. JOH. GEORGIO. SIMONE. D

EXHIBET  
ECBERT. FELIX. Meyerhoff  
STERNBERGA. WESTPHALUS

AUTOR  
JENÆ. DIE. III. DECEMBR. A. O. S. M. DC. LXX.

TPIS. NISIANIS

